

明陵陳耀文勝伯甫纂

四明屠隆緯貞甫校

尚書

省案章昭辯釋名曰尚上也言最在上總領之也辯云尚猶奉也百官言事當省案平處奉之故曰尚書尚食尚方亦然

納言尚書唐虞官也龍作納言詩云惟仲山甫王之喉舌秦改稱尚書漢亦尊此官典機密也漢官漢明帝詔曰尚書蓋古之納言出納朕命機事不密則害成可不慎歟唐虞曰納言周官為內史機事所總號令似發

大書秦時少府遺吏四人在殿中主發書尚猶主也宋志

漢官

卷三十一

一

大書昔堯試舜於大麓者領錄天下事如今之尚書官矣宜得大賢智乃可使處議持平杜預

太昌尚書令總攝諸曹出納王命敷奏萬機蓋政令之所由宣選舉之所由定罪賞之所由正斯乃文昌天府

眾務淵藪內外所折衷遠近所稟仰百官表附

司會天官司會中大夫二人周禮會大計也司會主天下之大計計官之長若今之尚書鄭玄文昌政本司會化

經陳後主授江抱

三獨坐尚書令主贊奏事總領紀綱無所不統與司隸校尉御史中丞朝會皆專席而坐京師號曰三獨坐後漢

臺古者重武事貴射御取其捷御如僕各置一人少書六人謂之八座泰攝百揆出內王命古元凱之任也謝靈運天興元年置八部大夫於皇城四方四維面置一人以擬八座謂之八國魏志

臺尚書漢因秦置之故尚書為中臺謁者為外臺御史為憲臺謂之三臺唐光宅元年改為文昌臺垂拱元年又改為都臺神龍初復舊為尚書省亦謂之南省

明習故事侯霸字君房光時拜尚書令時無典故朝廷又少舊臣霸明習故事收錄遺文條奏前世善政法度有益於時者皆施行之每春下寬大之詔奉四時之令皆霸所建也後漢

天中記

卷三十一

土

天下樞要韋彪字孟達肅宗時上疏曰夫欲急人所務當先除其所患天下樞要在於尚書尚書之選豈可不重而問者多從郎官超升此位宜簡嘗歷州宰素有名著鑒高夫捷急之對深思絳侯木訥之功也上

喉舌陽嘉二年李固對曰陛下之有尚書猶天之有北斗也斗為天喉舌尚書亦為陛下喉舌斗斟酌元氣運平四時尚書出納王命賦政四海權尊執重責之所歸若不平心災眚必至漢書春秋合誠圖曰天理在斗中

三公也如人喉在咽以理舌語天有北斗所以斟酌元氣帝有尚書所以出納王命若賦役不均則百姓以安萬機不治則天下以亂漢紀

陳蕃太尉李固薦楊准累世服事臺閣既閑練舊典且有幹用宜在機密特拜尚書固薨免官尚書令陳蕃表准行狀復徵為尚書

匡弼左雄字伯豪順帝即位虞詡善之曰雄有王臣蹇蹇之節周公謨成王之風宜擢在喉舌之官必有匡弼之益由是拜雄尚書再遷尚書令

諸孝廉左雄為尚書令奏崇經術郡國耆儒年六十已上為郎不滿四十不得察舉若茂才異行不拘年齒帝從之有廣陵孝廉徐淑年未及舉臺郎疑而詰之對曰

詔書曰有如顏子子奇不拘年齒是故本郡以臣充選郎不能詰雄詰之曰昔顏子聞一知十孝廉聞一知幾

天中記卷三十一
邪淑不能對乃譴卻郡自是牧守莫敢輕舉自雄在尚書天下不敢妄選十餘年間稱為得人

上雄為尚書令限年四十九先試經然後舉孝廉故雄為令在位者各肅清時稱曰左伯豪為尚書天下皆慎選舉

韓厥之舉初左雄薦周舉宣光為尚書又舉馮直為將師而直官坐職受罪舉以此劾雄雄悅曰吾曾事馮直父又與直善今宣光以此奏吾乃韓厥之舉也由是天

下服焉後

奏章為故事自雄掌納言多所匡肅每有奏章臺閣以為故事

為故事上

條奏為故事陳忠為尚書令數進忠言辭旨弘麗前後

所奏悉條於宮闕以為故事上

周憲卓為司空開察名高辟之稱疾不就卓大怒詈曰我力能族人蔡邕遂偃蹇者不旋踵矣又切勅州郡舉送詣府邕不得已到署祭酒甚見敬重舉高第補侍御史又轉侍書御史遷尚書三日之間周憲三

臺後

力相費禕字文偉代蔣琬為尚書令于時戰國多事公務煩猥禕識悟過人每省讀書記舉目暫視已究其意旨其速數倍於人終亦不忘常以朝晡聽事其間接納賓客飲食嬉戲加之博奕每盡人之歡事亦不廢

董允代禕為尚書令欲教禕之所行旬日之中事多愆

天中記卷三十一
滯允乃歎曰人才相懸若此甚遠此非吾之所及也聽事終日猶有不暇爾

三民望尚書令李徹遷處缺宜得其人征南將軍羊祜

禮儀王立可以整肅朝廷征南將軍衛瓘真正靜一中書監荀勗達于事物三人皆民望不審可參舉否

總事三者昔六官所掌冢宰為首秦公卿替以丞相御史為冠今者尚書令總事此三者非臣驚聞所宜奏竊

集

總案機衡武帝詔曰尚書令百揆之首總案機衡出納朝政治績之所由也車騎將軍賈充忠允清正通理經遠迪文武謨動弘著其以充守尚書令

晉

劉頌為尚書孫秀等推崇趙倫功宜加九錫命

穿鼻政異議頌獨曰昔漢之錫魏魏之錫晉皆一時

用非可通行今宗廟又安雖變后被退勢臣受誅昔周

勃誅諸呂而尊孝文霍光廢昌邑而奉孝宣並無九錫

之命亂舊典而冒權變非先王之制九錫之議請所無

施晉書

蔡謨為尚書上疏曰入座之任非賢莫居前

後選用名賢有常孔愉諸葛恢並以清節令才素有名

望臣名輩不同階及殊懸今猥以輕鄙超踰等正上亂

聖朝賢魚之次下違羣士準平之論豈唯微臣斯亡之

諫實貽聖政維塵之累晉書中

天中記 卷三十一

萬事本尚書萬事之本朕所責成也而康秩儉薄甚非

治體今雖軍國多費不為元凱惜祿其依令僕給尚書

各親信五十人康賜晉康帝起

蔡謨疾卜壺明帝時為尚書令與王導等俱受顧命

轉幼主成帝即位羣臣進璽司徒王導以疾不至臺正

色於朝曰王公豈社稷之臣邪大行在殯嗣皇未立寧

是人臣備疾之時專任無敬事寢不行舉朝憚之晉書

百揆謝石為尚書令上疏遜位曰尚書令國之冢

司總攝百揆憲範王猷式是羣辟故必簡德而拔量才

而受晉書王恭嘗寓于司馬道子室尚書令謝石為吳歌

末曰居端石之重集宰相之坐而效流俗之音乎石有

慙色時

徐湛之為尚書僕射令何尚之以湛之國似

任遇隆重欲以朝政推之而諸詞訴絕不科省湛之亦

以尚書令數次出納事無不總令缺則僕射總任又以

事歸尚之互相推委御史中丞袁淑奏並免官詔特無

所問乃使湛之與尚之並受詞訴尚之雖為令而朝事

悉歸湛之史南

北坐石銘王僧虔為尚書令嘗為飛白書題尚書省壁

曰圓行方止物之定質修之不已則溢高之不已則傾

馳之不已則質弘之不已則迭是故去之宜疾當時嗟

賞以北坐石銘上

天中記 卷三十一 太

百官元本宋孝建元年詔曰尚書百官之元本庶績之

樞機丞郎列曹局司有任自頃事無巨細悉歸令僕非

所以詔能濟業也更可明體制責厥成也通典

奏事自晉以後入座及郎中多不奏事梁天監元年詔

曰自禮閣凌替應茲承久郎署備員無取職威糠粃文

案貴尚虛閑空有趨揖之名子無握蘭之實曹郎可依

昔奏事自是始奏事矣又詔尚書中有疑事先於朝堂

奏議然後啟問通典

端揆尚書令為端揆之官武德初太宗為秦王時宮居

之其後人臣莫敢當至廣德中郭子儀勳業既盛乃特

拜焉子儀以文皇帝故讓不敢受通典

舊唐書玄宗欲以牛仙客爲尚書張九齡諫曰不可尚書古之納言有唐以來多用舊相居之不然歷踐內外清貴之地妙選有德望者充之仙客本河湟一使典耳拔昇清流齒班常伯此官邪也

唐新

彈入座尚書左丞彈入座以下居萬機之會斯乃皇朝之司直天臺之管轄

傳咸答辛
廣詩序

賀雅賀琛字國寶爲尚書左丞並參禮儀事琛前後居職凡郊廟諸儀多所創定每見高祖與語常移晷刻故省中爲之語曰上殿不下有賀雅琛容止都雅故時人呼之

善

清正無私劉覽字孝智爲尚書左丞性聰敏尚書令史

天中記

卷三十一

七

七百人一見並記名姓當官清正無所私姊夫御史中丞褚湮從兄吏部郎孝綽在職頗通職貨覽劾奏並免官孝綽怨之嘗謂人曰犬齧行路覽家人上

魏銀崖郎茂字慰之爲尚書左丞時工部尚書宇文愷

右翊衛大將軍于仲文競河東銀窟茂奏劾之曰臣聞

貴賤殊禮上農異業所以人知局分家識廉恥宇文愷

位望已隆祿賜優厚拔葵去職寂爾無聞求利下交會

無愧色于仲文大將宿衛近臣趨侍階庭朝夕聞道虞

芮之風抑而不慕分銖之利知而必爭何以貽範庶寮

示民軌物若不糾將虧政教愷與宇文愷坐得罪

左轄元壽字長壽爲尚書左丞開府蕭摩訶安患且

奏遣其子向江南收家產御史見而不言壽奏劾之同人倫之義伉儷爲重資受之道烏鳥弗勸摩訶還貪貨財近忘匹好又命其子拾危懼之毋爲聚飲之行一言纔發名教頓盡而付御史韓徵之等親所聞見竟不糾彈治書侍御史劉本行職攝憲臺虧失憲體臣忝居左轄無容寢動上

左管轄劉洎上疏曰尚書萬機寔爲政本是以入座

於文昌二丞方於管轄苟非稱職竊位與譏貞觀之初

左丞戴胄右丞魏徵並曉達吏方質性平直事應彈舉

無所迴避及杜正倫續任右丞頗亦吏下比者綱維不

舉並爲勳親在位者非其任功勢相傾將救茲弊且宜

天中記

卷三十一

八

精簡得人自然綱維畧舉亦當矯正趨競豈惟息其稽滯哉書奏永幾拜洎爲尚書右丞

蕭機隋左右丞掌分尚書諸司糾駁唐因隋制龍朔二

年改爲左右肅機其年有字文化及子孫理資蔭朝廷

以事隔兩朝且其家親族亦衆多爲言者所司之理至

于勾留右肅機陽昉未詳其案狀訴者以道理已成無

復疑滯勃然逼昉昉曰適朝退未食食畢當詳案訴者

曰公云未食亦知天下有累年霸旅訴者乎昉遽命案

立批之曰父弑隋主子訴隋資生者猶配遠方死者無

宜更敘時人深賞之

通典
新語

錦製儀鳳四年韋仁約除尚書左丞約奏曰陛下爲官

擇人非其人則闕今不惜美錦令臣製之此陛下知臣

之深亦微臣盡命之秋振舉綱目畧無留事朝廷肅然

後分置左右肅政臺復以思謙爲右肅政大夫通典舊唐

先朝顏真卿爲尚書右丞車駕自陝將還真卿請

皇帝先謁五陵九廟而後還宮宰相元載謂真卿曰公

所見雖美其如不合事宜何真卿怒前曰用捨在相公

耳言者何罪然朝廷之事豈堪相公再破除耶載深銜

之唐書

百職綱維勅庾承宣尚書右丞制昔我太宗嘗謂尚書

丞百職綱維事一失中則天下有受其弊者因命戴胃

魏徵及杜正倫劉洎輩繼領是職分居左右官脩事理

天中記卷三十一 九

人到于今稱之故吾前命崔我持左綱今命承宣操右

轄承宣端諒勤敏周知與故必能爲我有組條之綱梏

妄動之輪坐曹得出入郎官立朝得奏彈御史會政決

要扶樹理本無俾戴魏劉杜專美於真觀中長慶集

名教賴章弘景爲尚書左丞駿正吏銓所除六十餘

官不當進資於是鄭綱丁公著楊嗣復皆尊俸郎吏肅

然望風脩整吏部員外郎楊虞卿以累下吏詔弘景與

御史詳讞虞卿私造門弘景厲言曰有詔按公尚私謁

邪虞卿多朋助自謂必見納及是惶恐去弘景以直道

進議論持正有守當時風教所億賴爲長慶名卿唐書弘

吏部尚書

統均冢宰掌邦治統百官均四海天官大宰之職掌

邦之六典以佐王治邦國禮周冢大也宰者官也鄭目濟

其清濁和其剛柔而納之中和曰宰氏宰變冢言大者

進退異名也百官總焉則謂之冢宰列職於王則謂之

太宰宰主也建立也邦理王所居之邦國佐猶助也周

公居攝而作六典之職以佐王理邦國唐武后遂以吏

部爲天官戶部爲地官禮部爲春官兵部爲夏官刑部

爲秋官工部爲冬官以承周六曹官之制通唐虞建宣

法天地四時以分職義和天地之官也四岳四時之官

也夏因虞制甘誓召六卿是也殷大宰至司寇乃周之

天中記卷三十一 十

六官也

六官總治閔子騫爲費宰問古之爲政子曰古之御天

下者以六官總治焉冢宰之官以成道司徒之官以成

德宗伯之官以成仁司馬之官以成聖司寇之官以成

義司空之官以成禮六官在手以爲轡均仁以爲納天

子以內史爲左右手以六官爲轡已而與三公爲執六

官均五教齊五法故亦唯其所引無不如志以之道則

國治以之德則國安以之仁則國和以之聖則國平以

之禮則國安以之義則國義此御政之術故官屬不理

分職不明法政不一百事失紀曰亂亂則飭冢宰地而

散曰危危則飭司徒父子不親長幼失序君臣上下
離異志曰不和不和則飭宗伯賢能而失官爵功勞而
失賞祿士卒疾怨兵弱不用曰不平不平則飭司馬刑
罰暴亂姦邪不勝曰不義不義則飭司寇度量不審舉
事失理都鄙不脩財物失所曰貧貧則司空

職主陰陽堯命羲和使主陰陽之職羲伯司天即天官

也后稷伏事虞夏敬授民時尊稷為天官夏衰稷後不
留失官由是廢官殷以其官為冢宰周公在鄭為太宰

召公又居之

建邦理太宰於殷為六太於周為六卿亦曰冢宰周武

王時周公始居之掌建邦之理

天中記

卷三十一

十一

禮王周禮六典冢宰貳王而理天下貳謂副貳也一日

理典以理官府二曰教典以萬姓三曰禮典以諸萬

姓四曰政典以均萬姓五曰刑典以糾萬姓六曰事典

以生萬姓也

仲長統言

求令與尉安定梁鶴善八分書初為吏部尚書太祖求

為洛陽令鶴以為北部尉避地荊州太祖定荊州求

鶴鶴乞以書贖死乃令書信幡宮門題

世語

易風俗昔毛玠為吏部尚書無敢好衣美食者魏武歎

曰孤之法不如毛尚書今使吏部用心如毛玠風俗之

易在不難矣

傳咸集表

玠雅亮公正在官清恪其典選舉拔
貞實斥華偽進遜行抑阿黨諸宰官治民功績不著而

私財豐足者皆免黜停廢久不選用于時四海翕然莫

屑行至乃長吏遷者垢面羸衣常乘柴車軍吏入府朝

服徒行人擬壺飡之絮家象濯纓之操貴者無穢欲之

慕賤者絕姦貨之求吏澤于上俗多乎下民到于今稱

之先賢

行狀玠嘗為東曹掾與崔琰並典選舉其所舉用皆

清正之士雖於時有盛名而行不由本者終莫得進務

以儉率人由是天下之士莫不以廉節自勵

魏志

天下稱平崔琰清忠高亮雅識經遠推方直道正色於

朝魏氏初載委授銓衡總齊清議十有餘年文武羣才

多所明拔朝廷歸高天下稱平

先賢行狀

畫地作餅盧毓為吏部尚書前此諸葛誕鄧颺等馳名

天中記

卷三十一

十一

魯有四憲八達之謂帝疾之時舉中書郎詔曰得其人

與否在盧生耳選舉莫取有名名如畫地作餅不可啖

也毓對曰名不足以致異人而可以得常士常士畏教

慕善然後有名非所當疾也毓於人及選舉先舉性行

而後言才黃門李豐嘗以問毓毓曰才所以為善也故

大才成大善小才成小善今稱之有才而不能為善是

才不中器也豐等服其言

魏志

心精體密薛綜字敬文為選曹尚書固讓顧譚心精體

密貫道達微才照人物德允眾望誠非愚臣所可越先

後遂代綜

吳志

李肅字偉恭南陽人少以才聞善論議臧否

得中甄奇錄異薦達後進題目品藻曲有餘貴衆

步騰傳

此服之權擢爲選曹尚書選舉號爲得才

王肅冲裴叔則二人惣角詣鍾士季須臾去後客問二童是誰曰裴王曰何如鍾曰裴楷清通王戎簡要

後二十年此二賢當爲吏部尚書爾時天下無復滯才

山濤爲太常遭母喪年踰耳順居喪過禮

士成墳手植松柏詔曰官所共致化者官人之職是也方今風俗陵遲人心進勅宜崇明好惡鎮以退讓山太常雖尚居諒闇情在難奪方今務殷何得遂其志邪其以濤爲吏部尚書

天中記 卷三十一 三

山濤再居選職十有餘年每一官缺輒擬數人

詔旨有所向然後顯奏隨帝意所欲爲先故帝之所用或非舉首衆情不察以濤輕重任意或諧之於帝故帝手詔戒濤曰大用人惟才不遺疎遠卑賤天下便化矣而濤行之自若一年之後衆情乃寢濤所奏甄拔人物各爲題日時稱山公啟事上

舉無失才山司徒前後選殆周遍百官舉無失才凡所

題目皆如其言唯用陸亮是詔所用與公意異爭之不

從亮亦尋爲賄敗

王戎爲左僕射領吏部戎以晉室方亂慕違

伯玉之爲人與時舒卷無審諱之節自經典選未嘗進

寒素退虛名但與時浮沉戶調門選而已

蔡克素有格量及居選官苟進之徒望風民

憚初克未仕時山簡嘗與琅邪王衍書曰蔡子尼今之

正人衍以書示衆曰山子以一字拔人然未易可稱後衍聞克在選官曰山子正人之言驗於今矣

樂廣爲吏部尚書所在爲政無當時功譽每

去職遺愛爲人所思論人必先引其長屈其所短不明而自顯人有嘗過先盡容弘恕而後善惡自著值世多

難清白自將交無內外任誠保真入莫見其際者是以能自全當世以此多之

其寡譽山巨源意在扶奇不免與世沉浮

天中記 卷三十一 西

人中市井袁貞爲監軍范玄平作吏部尚書大坐語袁

卿此段還不失護軍袁曰卿何事人中中市井

人倫之職山濤曰臣欲以郊詵爲溫令詔可尋又啟曰

訪聞詵喪母不時葬遂於所居屋後假葬有異同之議請更選之詔曰君爲管人倫之職此輩應爲清議與不便當裁處之

郭撫初爲吏部尚書與郎姚範清心虛求搜揚

俊父內外稱之以廓姚擬崔毛

著紙尾宋廢帝時徵豫章太守蔡廓爲吏部尚書廓至

囚北地傳降以聞傳亮選事若悉以見付不論不然不能拜也亮以語錄尚書徐羨之羨之曰黃門郎以下悉

以委蔡吾徒不能磨懷自此以上故宜共參同異廊曰
我不能徐干木署紙尾遂不拜干木羨之小子也選家

黃紙錄尚書與吏部連名故廊言署紙尾也史南

蔡興宗廊之少子也為左戶尚書轉掌吏部

時上方盛淫宴雪侮羣臣自江夏王義恭以下咸如穢

俗唯興宗以方直見憚不被侵嫖尚書僕射顏師伯謂

儀曹郎王耽之曰蔡尚書常免昵戲去人實遠耽之

蔡豫章昔在相府亦以方嚴不狎武帝宴私之日未嘗

相召每至官賭常在勝朋蔡尚書今日可謂能荷矣上

惠代焉惠被召即拜未嘗接客人有與書求官得輒娶

天中記卷三十一

閣上及去職印封如初時以廊不拜惠即拜事異而意

同也史南

令史留宿庾炳之字仲文為吏部尚書為人強急而不

耐煩領選既不緝眾論又頗通貨賄吏部令史錢泰能

琵琶主客令史周伯齊善歌詣炳之宅諮事因留宿尚

書舊制令史諮事不得宿停外雖有八座命亦不許為

所司奏免官宋書

六代五人光祿大夫謝莊子朏朏子淪淪子覽覽弟舉

六代五人皆為吏部尚書並有文集梁書覽字景滌朏之

弟淪之子覽弟舉字言楊遷掌吏部尚書舉祖莊宋代

再典選至舉又三為此職前代未有也

范雲性機警有識且善屬文下筆輒成時人每

其宿構為吏部尚書寄任隆重書牘盈案賓客滿門應

答如流無所壅滯官曹文墨發擿若神時人莫不服其

明瞻梁書

徐勉字修仁遷吏部尚書勉居選官奔倫有

序既開尺牘兼善辭令雖文案填積坐客充滿應對如

流手不停筆又諳綜百氏皆為避諱常與門人夜集客

有虞高求詹事五官勉正色答云今夕止可談風月不

宜及公事故時人咸服其無私上

楊愔字遵彥武定來以望實之美超拜吏部

尚書典選二十餘年獎擢人倫以為已任然取士多以

天中記卷三十一

言貌時致謗言以為情之用人似貧士市瓜取其大者

情聞不屑焉其聰記強識半面不忘每有所召問或單

稱姓或單稱名無有誤者後有選人魯漫漢自言猥賤

獨不見識愔曰卿前在元子思坊騎禿尾草驢經見我

不下以方趨郭面我何不識卿漫漢驚服又調之曰名

以定體漫漢果自不虛又令吏唱人名誤以盧上深為

琛士深自言愔曰盧郎玉潤所以從玉自尚公主後衣

紫羅袍金縷大帶遇李庶頗以為恥謂曰我此衣服都

是內裁既見子將不能無愧北齊書東魏以楊愔典選嘗六

十人為一甲愔令其自敘訖不省文簿使次第呼之呼

誤以慕容為長孫一人而已三國典

銓衡折衷辛術字懷哲遷吏部尚書遷鄴以後大選之職知名者數四互有得失未能盡美文襄少年高朗所獎者疎袁淑德沈密謹厚所傷者細楊愔風流辯給取士大於浮華惟術性尚貞明取士以才以器循名責實新舊參舉管庫必擇門閥不遺考之前後銓衡在術最為折衷甚為當時所稱舉北史

廉平章世康為吏部尚書選用平允請託不行後復拜尚書前後十餘年間多所進拔朝廷稱為廉平嘗因休暇謂子弟曰吾聞功遂身退古人常道今年將耳順志在懸車汝輩以為云何子福嗣答曰大人澡身浴德名立官成盈滿之戒先哲所重欲追縱二疎伏奉尊命上

天中記

卷三十一

七

選舉為最牛弘字里仁為吏部尚書其選舉先德行後文才應在審慎雖致緩滯所有進用並多稱職吏部侍郎高孝基鑒賞機晤清慎絕倫然爽俊有餘迹似輕薄時宰多以此凝之唯弘深識其貞推心任委隋之選舉於斯為最時論服弘識度之遠上

宰臣知選魏知古先天二年冬令往東都知吏部尚書事深以為稱職手制曰卿以宰臣往知大選官人之委情寄尤切遂能端本革弊忘私徇公正色而行措心不亂竟已微則危視必鑒衡已舉則輕重罔違朕遠聞之益用嘉歎唐知古姚崇所引及同列稍輕之出攝吏部尚書知東都選知古賊焉時崇二子在洛通賓客饋遺

憑舊請託知古歸悉以聞他日帝召崇曰卿子才乎惟安在崇揣知帝意曰臣二子分司東都其為人可欲多寡慎是必官以事王魏知古帝始以崇私其子或為隱微以言動之及聞乃大喜問安從得之對曰知古臣所薦也臣子必謂其見德而請之帝於是愛崇不私而薄知古罷為工部尚書唐書

資格唐初因隋制以吏部典選主者將親其人覈之吏事始取州縣府寺疑獄課其斷決而觀其能否此判之始焉後日月淹久選人滋多案牘淺近不足為準乃採經籍古義以為問目其後官員不充選人益眾乃微僻書隱義以試之唯懼選人之能知也道麗者號為高等

天中記

卷三十一

太

拙弱者號為藍羅至今以為故事開元中裴光庭為吏部始循資格以一賢愚遵平轍者喜其循常資材用者受其抑屈宋璟固爭不得唐新選人非負譴者皆有升無降其庸愚沈滯者皆喜謂之聖書通

過官應世者但對眾披薄以朱筆點頭而已晉遂傍選院門下點頭者更注擬光庭以為侮己不悅唐會初裴光庭與蕭嵩爭權不協及為吏部奏用循資格并促選限至正月三十日畢其流外行者署亦令門下省之光庭卒後嵩又奏請一切罷之光庭所引進者盡出為外職時有門下主事問麟之為光庭腹心專知吏部選

官每麟之裁定光庭隨而下筆時人語曰麟之口光庭手太常博士孫琬將議光庭諡以其用循資格非贊勸之道建議諡為克平人以爲希嵩意旨上聞而特下詔賜諡曰忠獻唐書

顯伸裴均加吏部尚書初均與崔太素俱事中人寶父場太素嘗晨省文場入臥內自謂待已至厚徐觀後榻有顯伸者乃均也德宗以均任方鎮欲遂相之諫官李約上疏斥均爲文場養子不可汙台輔乃止唐書

負天下龍初韋巨源爲吏部尚書時要官缺執政以大用其親巨源秉筆當除十人楊再思得其一試問餘授皆諸宰相近屬再思喟然曰吾等誠負天下巨源曰天中記

卷三十一

十九

時當爾耳是時雖賢有德終莫得進士大夫莫不解體**不屈貴門**張續字伯緒大同二年徵爲吏部尚書後門寒素一介者皆見引拔不爲貴門屈意人士翕然稱之武帝詔曰續外氏英華朝中領袖南史

立碑天寶十年楊國忠兼吏部尚書故事吏部三銓三注三唱自春及夏才終其事國忠使胥吏於私第暗定官員集百寮於尚書省對注唱一日令畢以誇神速資格差謬無復倫序唐書明年大選因就第唱補帷女兄弟觀之不問資序短小者道州參軍胡者湖州文學簾中大笑聲徹于外唐書其所昵京兆尹鮮于仲通中書舍人竇華侍御史鄭昂諷選人唐書鄭昂等二十余人率錢

下勅殿樓設齋兼爲國忠立碑于尚書省南以頌國銓綜之能唐書仲通爲領帝爲易數字因以黃金識其處唐書所注吏部三銓選人事務執掌不能躬親皆委典及令史孔目官爲之國忠但押一字猶不可過唐書

侍郎

尚書隋煬帝卽位於尚書六曹各益侍郎一人以貳尚書之職隋書今之侍郎其置自此始也通典

司列少常晉宋以來吏部尚書資位尤重龍朔二年改吏部尚書爲司列太常伯侍郎爲司列少常伯天寶十一年改爲文部通典

甄別陸彥師爲吏部侍郎隋承周制官無清濁彥師在職凡所任人頗甄別於士庶論者美之隋書

卷三十一

二十

知人之鑒高構字孝基煬帝初爲吏部侍郎時爲吏部者多以不稱職去官唯構最有能名前後典選之官皆出其下時人以構好劇談頗謂輕薄然其肉懷方雅特爲吏部尚書牛弘所重後以老病解職弘時典選凡將有所擢用輒遣人就第問其可不河東薛道衡才高常世每稱構有清鑒所爲文筆必先以草呈構而後其之構有所詆訶道衡未嘗不嗟伏所舉杜如晦房玄齡笑後皆自致公輔論者稱構有知人之鑒

隋道注唐武德初因隋舊制以十一月起選至春卽停至貞觀二年劉林甫爲吏部侍郎以選限促多不空

遂奏四時聽選隨到注擬當時以為便會時天下初定州府及詔使多有赤牒授官至是停省盡來赴集將萬餘人林甫隨才銓擢咸得其宜時人以林甫典選比隨之高孝基選舉

辯詰貞觀元年溫彥博為吏部郎中知選意在沙汰多所擠抑而退者不伏置訟盈庭彥博惟騁辯與之相詰終日喧擾頗為識者所嗤上

紿欺貞觀八年十一月唐皎除吏部侍郎常引入入銓問何方穩便或云其家在蜀乃注與吳復有云親老先住江南即唱之隴右論者莫測其意有一信都人希河朔因給云願得江淮即注與河北一尉由是太被選人天中記

紿言欺之

卷三十一

三

賜鏡貞觀十七年吏部侍郎高季輔知選凡所銓綜時稱允愜至十八年於東都獨知選事上賜金鏡一面以表清鑒上十二年二月文部侍五五上日之在尚以

越局貞觀二十二年二月文部侍郎盧承慶兼檢校兵部侍郎仍知五品選事承慶辭曰五品選事職在尚書臣今掌之便是越局太宗不許曰朕今信卿卿何不自信也通典

彪狼共羊龍朔二年司列少常伯楊思立恃外戚貴待選流多不以禮而排斥之為選者夏侯彪所訟御史中丞郎餘慶彈奏免官時中書令許敬宗曰必知楊吏部

之敗或問之對曰一彪一狼共看一羊不收何待會延譽咸亨二年有楊炯王勃盧照隣駱賓王並以文章見稱吏部侍郎李敬玄咸為延譽引以示裴行檢曰才名有之尚祿蓋寡楊應至令長餘並鮮能令終上

強記李敬玄總章二年檢校司列少常伯典選累年銓綜有序自永徽以後選人轉多當其任者罕聞稱職及敬玄掌選天下稱其能預選者咸有萬餘人每於街衢見之莫不知其姓名其被放有訴者即口陳其書判失錯及身負殿累畧無差殊時咸服其強記莫之敢欺唐

無私證聖元年劉奇為吏部侍郎注張文長司馬鏗為監察御史二人因中屠場以謝之奇正色曰舉賢本自天中記

卷三十一

三

鄧渴弘道元年十二月吏部侍郎魏克己銓綜人畢放長榜遂出得留人名於是衢路喧嘩大為冬集人援引指撻貶為太子中允遂以中書舍人鄧玄挺替焉又無藻鑒之目又患消渴選人因號渴上

丁王如意元年九月天官郎中李至遠權知侍郎事時有選人姓刁又有王元忠並被放乃密與令史相知減其點畫刁改為丁王改為士擬授官後即添成文字王這一覽便覺曰今年銓覆萬人不識姓名安有丁士者哉此刁某王某也省內以為神明上

平天后以許子儒為天官侍郎儒不以藻鏡為意其

補官悉委令史勾直時謂勾直曰平配後崔玄暉為之介然自守絕於請謁為執政者所忌轉文昌左丞選司令史乃設齊自慶武太后聞之復拜為天官侍郎唐書

裴馬盧李景雲元年盧從愿為侍郎精心條理大稱平允其有冒名偽選虛增功狀之類皆能撻發其事典選

六年頗有聲稱時人曰前有裴馬後有盧李裴即行儉馬謂戴李謂朝隱

布棘防史姜晦為吏部侍郎性聰悟識理體舊制史曹

舍宇悉布棘以防令史為與選人交通及晦領選事盡除之大開銓門示無所禁私引署者晦輒知之召問莫不首伏初朝廷以晦改革前規咸以為不可竟銓綜得

天中記

卷三十一

三

所賄賂不行舉朝歎伏唐新語

振理風俗馬載為吏部侍郎時考功員外劉思立子憲

為河內尉思立今日亡明日選人有索憲關者載深咨嗟以為名教所不容乃書其無行注冬集朝廷咸曰真銓綜流品之司可謂振理風俗也其人北出選門為眾目所視眾口所謂趙超失步上

關待滯韋陟為吏部侍郎常病選人冒名接腳竊授

關員既少取士良難正調者被擠偽集者冒進陟剛毅嫉惡風采嚴正見選人疑其有段按聲盤詰無不首伏每歲皆賸得數百員闕以待淹滯常謂所親曰使陟知銓衡一二年則無一人可選矣唐書

裴其華韋陟嘗任吏部侍郎有一致仕官敍五品章判之曰青壇展慶會不立班朱紱承榮無宜臥時人推其強直政能唐新語

無李又字尚貞為吏部侍郎仍知制誥與宋璟等同典選事請謁不行時人語曰李下無蹊徑制勅不便輒駁正貴幸有求官者睿宗曰朕非有靳顧李又不可過耳唐書

王王丘為吏部侍郎典選累年甚稱平允擢用山陰尉孫逖桃林尉張鏡微湖城尉張晉明進士王冷然皆稱一時之秀唐書崔沔分掌吏部十銓事以清直歷秘書監上時為語曰丘山岌岌連天峻沔水澄澄徹底清分紀

天中記

卷三十一

三

四代選部房穎叔拜天官侍郎自其高祖景伯至穎叔四代咸居選部時論榮之

王多附李季卿拜吏部侍郎俄而兼御史大夫奉使河南江淮宣撫振拔幽滯進用忠廉時人稱之在銓衡數年季卿有字量性識博達與善人交襟懷豁如其在朝以進賢為務士以此多附之

江南典選興元初劉滋為吏部侍郎往洪州知選事時京師寇盜之後天下蝗旱殺翔貴選人不能赴價調乃命滋江南典選以便江嶺之人時稱舉職

貳職太和四年吏部奏吏部為文昌首曹侍郎為尚書貳職銓庭所宜順序廳事故有等衰會要

郎中

郎位太微五星五帝坐後聚十五星曰哀鳥郎位漢書

十五星蔚然曰郎位史記郎位五星在太微中帝坐東北

周之元主漢之光祿中設諫議議郎此三署郎中是今

之尚書郎占欲其大小均耀光潤有之吉也正義一曰依

鳥郎府也晉書

下大夫周官太宰屬官有下大夫蓋郎中之任也秦有

郎中以其為郎侍衛居中故曰郎中漢選尚書郎初從

三署郎次補之初入尚書臺稱郎中滿歲稱侍郎故郎

中之名猶因三署舊號也六典

稱號不同漢魏以來尚書屬或有侍郎或有郎中或曰

尚書郎或曰某曹郎或則兩置或為互名雖稱號不同

其職一也皆今郎中之任通典

握蘭明光殿省中皆以胡粉塗壁畫古賢烈女以丹朱

漆地故謂之丹墀尚書郎握蘭含鵝舌香以其奏事答

對欲使氣息芬芳也奏事則與黃門侍郎對揖黃門侍

郎稱已聞乃出丞郎月賜赤管大筆一雙喻麋墨一丸

六典喻麋今沂陽縣出墨

不聽所私趙戡字叔茂長陵人也質而好學言稱詩書

愛恤於人不論疎密辟公府入為尚書選部郎董卓欲

以所私並充臺閣戡拒不聽卓怒召戡欲殺之觀者皆

為戡懼而戡自若及見卓引辭正色陳說是非卓雖凶

展而謝之典

明雅山濤為吏部郎文帝與書曰足下蒞事明雅適時

念多所乏今致錢二十萬絲百斤穀二百斛晉書

正人人才既自難知中人已下情偽又難吏部郎以碎

事日夜相接非但當正己而已乃當能正人議郎杜默

德履亦佳大子庶子崔諒中郎陳淮皆有意正人其次

不審有可用者不山濤啟事吏部郎主選舉宜得能整風俗

理人倫者典

真素真欲玩成為吏部郎史曜出處缺當選山濤薦玩

成曰真素寡欲深清濁萬物不能移也昔在官人之職

必妙絕於時詔用陸亮山濤啟事

佳吏部徐字字安期通明有德素少知名初為與縣令

時廷尉桓彝稱有人倫鑒識護軍庾亮每屬之訪一佳

吏部郎彝當去職至廣陵尋親舊還遇風停浦中累日

憂悵因上岸見一室宇有似靡署彝訪之云與縣靡也

合姓徐名寧彝既獨行思逢悟賞聊造之寧清惠博涉

相遇怡然遂停宿因留數夕與寧結交而別至都謂庾

亮曰吾為卿得一佳吏部郎矣亮問所在彝曰人所應

有而不必有人所應無而不必無徐寧真海岱清士即

遷吏部郎左將軍江州刺史本傳晉傳

裴惟王蘊字叔仁為吏部郎欲使時無屈滯曾下鼓急

山日送乃至家去臺數里高褰車帷先後與語不得進

也官缺求者十輩時簡文帝為會稽王輔政蘊輒連狀白之曰某人有地某人有才務存進達各隨其方不得者甘心無怨別傳本傳

夷曠似玉吏部郎中溫幾字元甫世論以其為人夷曠似玉未嘉官名

名士阮放與從弟孚齊名為吏部郎銓官之任甚有稱譽性清約不理產業為郎不免飢乏王導庾亮以其名士供給衣食放由是得仕晉中興書

送吏部郎何尚之字彥德以操立見稱為陳郡謝混所知與之游處為吏部郎告休定省傾朝送別於治清及至郡父叔度謂曰聞汝來此傾朝相送可有幾客答曰

天中記 卷三十一 王

殆數百人叔度笑曰此是送吏部郎耳非關何彥德也昔殷浩亦嘗作豫章定省送別者甚眾及廢徙東陽船伯征虜亭積日乃至親舊無復相窺者南史

與書王微字景玄吏部尚書江湛舉微為吏部郎

微與湛書曰君平生云揚我名者殺我身天爵且猶滅名安用吏部郎哉其舉何陋其事不經非獨縉紳者不道僕妄皆笑之宋書

任己獨陸慧曉字叔明清介正立不雜交游會稽內史同郡張和稱之曰江東裴樂也齊高帝輔政除為尚書殿中郎鄰族來相賀慧曉舉酒曰陸慧曉年踰二十婦父領選始作尚書郎卿輩乃復以為慶邪遷吏部郎

尚書令王晏選門生補內外要局慧曉為用數人而止晏恨之送女妓一人欲與申好慧曉不納吏曹郎令史政來詔執選事任已獨行未嘗與語帝遣主書單景儁謂曰都令史諳悉舊貫可共參懷慧曉謂景儁曰六十之年不復能詔都令史為吏部郎也上若謂身不堪便當拂衣而退帝甚憚之後欲用為侍中以形短小乃止南史

景果庾果之字景行幼有孝行宋司空劉劭見而奇之謂曰見卿足使江漢崇望杞梓發聲遷吏部郎參大選上

天中記 卷三十一 王

為吏部於庭植嘉樹謂人曰吾為憲之種耳至是憲之果為此官然自過江吏部郎不復典大選通典

孝文孝文在洛欲制革舊制選置百官謂羣臣曰與朕舉一吏部郎必使才望兼允者給卿三日假又一

日孝文曰朕已得之不煩卿輩也驛微亮兼吏部郎孝明親政仍兼吏部郎亮自參選事垂將十年廉慎明決為尚書郭祚所委每云非郭郎中選事不辦北史

欣得宋繇字體業沮渠蒙遜平酒泉於繇室得書數千卷盛米十斛而已蒙遜歎曰孤不喜剋李歆欣得宋繇耳拜尚書吏部郎中委以銓衡之任後魏書

皇甫皇甫瑒光兄春齡子也位吏部郎性貪婪多

所受納鬻賣吏官皆有定價後以丞相高陽王弘之駁
為豫州刺史為政殘暴百姓患之北史

齊裴叔業之歸魏也衣冠之士預叔業勳者安定皇

甫光者地梁祐清河崔高客天水閭慶亂河東柳俗

昌等魏書此見本傳北史同杜氏通典乃以為韋瑋蓋

見傳中有伯珣名而誤耳御覽因之以為韋瑋職官

分紀亦以為瑒俱誤

銓衡庶品銓衡庶品歷選賓僚阮咸直素屢薦未登陸

亮忠心裁居敗職自非李重清識李毅恬正何以區分

管庫式鑒胥吏陸杜拜吏部郎表

設長名榜吏部郎中裴行儉始設長名榜則銓注期限

天中記卷三十一等法又定州縣升降官資高下以為故事長名榜自此

始也選舉志

允捧紫泥柳公綽字起之武元衡罷相鎮西蜀與裴度

俱為元衡判官尤相善先度入為吏部郎度以詩餞別

有兩人同日事征西今日君先捧紫泥之句分紀

登第集部李建為吏部郎中常曰方今秀茂皆在進士

使僕得志當令登第之歲集於吏部使尉紫縣既罷復

集稍尉望縣既罷乃尉畿縣而升於朝大凡中人三十

成名四十乃至清列遲速為宜既登第遂食祿既食祿

必登朝誰不欲也無淹翔以守常限無紛競以來奔捷

下曹得其循舉上位得其吏歷就而言之其利甚博議

者多之國史補

補選有房吳王潛吳國建選左司郎中典選事時喪亂

之後官失其守諸謀靡散甲簿湮沼具偽相蒙潛雍容

款接坐客常滿隨才而接人人自以為得徐知誥相吳

掄選有序潛之力也或亡失官課才無可用者多稟給

之九國志

風謔劉鼎清泰中為吏部郎中康侍御史知雜事鼎性

若寬易而典選曹按吏有風稜五代史

員外郎

銓眼吏部郎二廳先小銓次格式員外郎二廳先南曹

次廢置舊說吏部為省眼分紀

天中記卷三十一三

吏事第一裴遵度遷吏部員外郎專判南曹天寶中海

內無事九流幅湊會府每歲吏部選人盈萬遵度敏識

強記精覈文膽詳而不滯時稱吏事第一由是大知名

判析有條李栖筠遷吏部員外郎判南曹栖筠判析有

條奸吏氣奪號為神明唐書

南宮眉目韋陟字商衡為吏部員外郎是曹在南宮為

眉目在選士為司命公執直筆閱簿書紛拏盤錯一瞬

而剖劉禹錫撰神道碑

銓敘稱美崔郎姿質秀偉神清重雅人望而愛之為吏

部員外郎奸吏不敢孤寒無拔者不至留滯銓敘之美

為時所稱唐書

相幹無累 岑義長安中為廣武令有能名則天嘗謂曰

相各舉堪為員外郎者鳳閣侍郎韋嗣立薦義且奏曰

恨其從兄長倩犯逆為累則天曰苟有材幹何恨微累

遂拜天官員外郎後遷吏部侍郎時吏部侍郎崔湜太

常少卿鄭愔大理少卿李允恭分掌選事皆以賦貨開

義最守正時議美之唐書

尚氣 賈言忠曾之父也累轉吏部員外郎李敬玄兼尚

書言忠尚氣及才選不能下貶邵州司馬失武懿宗意

下獄幾死唐書

滌除宿弊 劉崇望字希從轉吏部員外郎崔安潛為吏

部尚書崇望判南曹滌除宿弊復清選部唐書

天中記 卷三十一 三

喻遣 李迥秀任考功員外郎知貢舉有進士姓崔者文

筆非佳迥秀覽之良久謂曰清河崔郎儀貌不惡鬚眉

如戟精彩甚高出身處何量必須進士再三喻而遣之

聞者莫不大噱唐書

典舉得士 席豫開元中累官主考功員外郎典舉二年

大稱得士為時所稱入為吏部侍郎玄宗謂之曰卿已

前為考功職事平允故有此授預典選六年復有令舉

願無譴 周屏輔政以韋渙為考功員外郎屏初作相私

謂渙曰才小任重何以相救渙曰荷公重知願公無譴

足矣屏愕然不喻其指渙曰爵賞刑罰非公共欲行者

願不以喜怒憎愛行之但令百司羣官各舉其職則公

欲衽於廟堂之上天下自理何要權耶屏深然之上

不避權幸 李勣穆宗即位召為考功員外郎校定京考

考不避權幸皆行陞黜奏曰三品官考先具如前其四

品以下官績具開奏狀人留中不下議者以幸輔曠官

自宜上疏論列而職職鈞奇非盡事君之道也上

地官 戶部尚書周之地官卿也周禮曰地官司徒帥其

屬而掌邦教以佐王安擾邦國應劭云徒眾也司徒主

人眾也張鷟云虞書五教實委司徒之班周禮六卿委

開地官之位

祝鳩 郊子曰祝鳩氏司徒也昭十百姓不親五品不遜

天中記 卷三十一 三

則責司徒 尚書

案主司徒 仲尼為秦王顏淵為司徒論語摘

銅臭 靈帝賣官廷尉崔烈入錢五百貫以買司徒烈子

均字孔平亦有時名烈問曰吾作公天下人謂何如對

曰大人少有高名不謂不當為公今登其位海內嫌其

銅臭烈舉杖擊之均走烈曰子授父搥而走可謂孝乎

均曰舜之事父小校則受大杖而走不陷父於不義烈

曰爾以吾為替腰耶司馬彪九

階下讀奏 吳孫休初即位戶部尚書階下讀奏通

備物濟時 當陽侯杜元凱為度支尚書內以利民外以

救邊備物置用以濟當時之益者五十餘條晉書

度支 咸寧五年詔一拜不收使公私俱貴不惟天時乃人事有不盡故也要總者正在度支尚書也其以散騎常侍中書令張華為度支尚書晉起居注

計運 初帝與羊祜謀伐吳而羣臣多以為不可唯華贊成其策及將大舉以華為度支尚書乃量計運漕

決定廟算及吳滅詔褒其勳進封為廣武縣侯晉書

坐無 吳隱之為度支尚書以竹蓬為屏風坐無墮

席後遷中領軍清儉不改每月所得祿才留身糧餘悉分賑親族家人績紡以供朝夕時有困絕或并日而食

身布衣不完妻子不沾寸祿上

示有朝章 到溉字茂灌為左民尚書溉長八尺眉目如

天中記

點白皙美鬚舉動風華善於應答所莅以清白自脩

性又率儉不好聲色虛室單牀傍無姬侍自外車服不

事鮮華冠履十年一易朝服或至穿補傳呼清路示有

朝章而已南史到洽為御史中丞兄溉為左民尚書舊制

中丞不得入尚書下舍洽引服親不應有礙刺省評決

左丞蕭子雲議許入溉省亦以其兄弟素篤不能相別

也上到溉到洽梁書自有傳南史見到彥之傳分紀錯

書作劉溉而事文合璧俱因之豈以到姓稍異遂承

其誤耶殊誤觀者

白衣 何胤為左民尚書後辭官隱於若耶山雲門寺勅給白衣尚書祿胤固辭梁書

拜官 蔡景愿字茂世入守度支尚書舊式拜官午後景愿拜日適逢輿駕幸立武觀在位皆侍宴宣帝恐景愿不預特令早拜其見重如此南史

義倉 長孫平字處均拜度支尚書平見天下州縣多罹

水旱百姓不給奏令民每秋家出粟麥一石已下貧富

差等儲之閭巷以備凶年名曰義倉自是州里豐衍民

多賴焉隋書

民部 開皇三年改度支為民部國家修隋志謂之戶部

蓋以廟諱故也唐永徽初復改民部為戶部廟諱故也

顯慶元年改戶部為度支龍朔二年改度支尚書為司

元太常伯初戶部居禮部之後武太后改置天地四時

之官以戶部為地官由是遂禮部前通典

通典 云國家杜祐為唐言也通考因之不改何耶

正身奉法 鄭善果檢校大理卿兼民部尚書正身奉法

甚有善績制與裴寂等十人每奏事及侍立並令升殿

與從兄元璿在其數時以為榮紀分

內相 王琬佐明皇平內難為戶部尚書帝於琬眷委持

異豫大政事號內宰相本傳

凶官 畢構遷戶部尚書開元四年遇疾上手疏方以賜

之時議戶部尚書為凶官遽改授太子詹事冀有痼瘳

尋卒紀分

版使 章煥辭判戶部歸謂甥姪曰已讓版使矣佳話